

## ADDENDA AO CONVENIO DE COLABORACIÓN ENTRE A AXENCIA DE TURISMO DE GALICIA, O CONCELLO DE VILAGARCÍA DE AROUSA E ABANCA CORPORACIÓN BANCARIA S.A. PARA A CELEBRACIÓN DAS FESTAS DE SAN ROQUE 2025

Santiago de Compostela,

### Reunidos

Por unha parte, D. José Manuel Merelles Remy, director da Axencia de Turismo de Galicia, en virtude do nomeamento efectuado polo Decreto 75/2024, do 22 de abril (DOG núm. 81, do 24 de abril), e conforme ás facultades que lle confire o apartado dous da disposición adicional segunda do Decreto 135/2024, do 20 de maio, de estrutura orgánica dos órganos superiores e de dirección dependentes da Presidencia da Xunta de Galicia (DOG núm. 101, do 27 de maio), que desconcentra na persoa titular da Dirección da Axencia a competencia para subscribir convenios de colaboración no seu respectivo ámbito competencial, de acordo co previsto no artigo 15.2.c) dos estatutos da Axencia Turismo de Galicia, aprobados polo Decreto 196/2012, do 27 de setembro (DOG núm. 193, do 9 de outubro).

Por outra, D. Alberto Varela Paz, alcalde do Concello de Vilagarcía de Arousa, no exercicio do seu cargo e ao abeiro das competencias que para vincularse neste acto se lle confiren na Lei reguladora das bases do réxime local, Lei 7/1985, do 2 de abril e na Lei 5/1997, do 22 de xullo, de administración local de Galicia.

E doutra, D. Lino Comesaña Calvo, en nome e representación de ABANCA Corporación Bancaria, S.A., en adiante ABANCA, con domicilio social na cidade de Betanzos, A Coruña, rúa Cantón Claudino Pita, nº2, na súa calidade de Director de Negocio Institucional en Galicia, Asturias e León.

Interveñen en función dos seus respectivos cargos en exercicio das facultades que, para convir en nome das entidades que representan, teñen conferidas

**EXPOÑEN**



**Primeiro.** - Que o 16 de xullo de 2025 asinouse un convenio de colaboración entre a Axencia de Turismo de Galicia, o concello de Vilagarcía de Arousa e ABANCA Corporación Bancaria, S.A., cuxo obxecto é establecer o marco de colaboración para o apoio á celebración das Festas de San Roque 2025.

**Segundo.** - Que na cláusula terceira dispónse que se considerarán subvencionables os gastos que se realicen a partir do 1 de xaneiro de 2025.

Así mesmo, na cláusula sétima establécese que o prazo para presentar a documentación xustificativa da subvención por parte do Concello remata o 15 de novembro de 2025.

**Terceiro.** - Que o 24 de xullo de 2025 o Concello de Vilagarcía de Arousa solicita unha modificación do convenio referido para que a actividade a financiar sexa o concerto de David Bustamante o día 20/08/2025 en vez de o grupo de Mägo de Oz o día 19/08/2025.

A actividade contemplada nese convenio era o concerto do grupo Mägo de Oz, o 19 de agosto. A Alcaldía resolveu, en data 23/07/2025, non proceder á apertura da oferta final presentada por Mohatxu Producciones, S.L. no procedemento negociado sen publicidade seguido para a contratación da actuación do grupo Musical Mägo de Oz que tería lugar o día 19 de agosto de 2025, nas festas de S. Roque, e, polo tanto, renunciar á celebración do correspondente contrato e dar por finalizado o expediente de contratación iniciado no seu día.

Por estes motivos, acórdase subscribir a presente addenda que se rexerá polas seguintes

## CLÁUSULAS

### **Primeira.- Obxecto.**

Modifícanse as cláusulas segundas e o ANEXO I do convenio, de forma que quedan redactadas do seguinte xeito:

### **“Segunda.- Orzamento e financiamento**



1. O orzamento estimado para as actuacións vinculadas ao apoio, promoción e difusión das festas declaradas de interese turístico de Galicia, ascende a 41.140,00 € (IVE incluído), cuxo desagregamento se establece no Anexo I que forma parte integrante do convenio.

Deste orzamento a Axencia de Turismo de Galicia financiará as actividades que se relacionan no cadro anterior con cargo á aplicación orzamentaria 04.A2.761A.760.1, proxecto 2017 00005 "Axudas a festas de interese turístico e outras accións promocionais", cunha achega de 25.000,00 € dos orzamentos xerais da Comunidade Autónoma de Galicia para o ano 2025. A achega da Axencia fíxase como un importe certo e sen referencia a unha porcentaxe ou fracción do orzamento estimado, aos efectos do disposto no artigo 21.2 do Regulamento da Lei de subvencións de Galicia, aprobado polo Decreto 11/2009, do 8 de xaneiro.

2. Esta achega canalízase a través dunha subvención concedida polo procedemento de concesión directa de acordo co establecido nos artigos 19.4.c) e 26 da Lei 9/2007, do 13 de xuño, de subvencións de Galicia e 36.c) e 40 do seu Regulamento.

A Axencia de Turismo de Galicia procederá ao pagamento da subvención a favor do concello unha vez que esta entidade presente a xustificación das actuacións realizadas e se comprobe a axeitada xustificación así como a realización da actividade e o cumprimento da finalidade da subvención.

#### ANEXO I

CONCEPTO	IMPORTE
Actuación de "David Bustamante"	34.000,00 €
IVE	7.140,00 €
<b>TOTAL</b>	<b>41.140,00 €</b>

**Segunda.- Publicidade e rexistro da addenda. Consentimento para a publicidade de datos persoais**



O réxime de publicidade da addenda será o establecido na Lei 1/2016, do 18 de xaneiro, de transparencia e bo goberno, sobre as obrigas específicas de información sobre convenios.

A sinatura da addenda leva implícita a autorización para o tratamento necesario dos datos e a referida publicidade.

Asemade procederase a inscrición da addenda no Rexistro de Convenios, de conformidade co establecido no artigo 5 do Decreto 126/2006, do 20 de xullo, polo que se regula o Rexistro de Convenios da Xunta de Galicia.

Coa sinatura da presente addenda as partes asinantes prestan o seu consentimento para incluír e facer públicos a través do Portal de Transparencia e Goberno Aberto e do rexistro regulado no Decreto 132/2006, do 27 de xullo, os datos de carácter persoal e mailo resto das especificacións contidas nesta.

### **Terceira. Condicións**

Esta addenda rexerese polas condicións estipuladas no convenio do que trae causa, formando parte integrante do mesmo.

Lida polas partes, por si mesmas, e como proba de conformidade co expresado nesta addenda, asíñana na data da súa sinatura dixital.

Pola Axencia de Turismo de Galicia  
O director

Polo Concello de Vilagarcía de Arousa  
O alcalde

José Manuel Merelles Remy

Alberto Varela Paz

Por ABANCA

O Director de Negocio Institucional en Galicia, Asturias e León

Lino Comesaña Calvo

